

修真事有何憑據清淨行持知去處看取無生路上人境忘心滅蓬壺住

友人問長安

一回忍過一回閒境界臨時莫外干人惱自家心不動算來只此是長安

答問長生

根塵盡處境幽清那裏人家沒死生有客若能行到此無名靈質大虛盈

答人問煉汞鉛

水飛雲逗上泥丸形槁心灰性自然只此便爲修煉術不須窮

道藏輯要

西雲集

卷

易集七

論汞和鉛

贈楊福應

楊氏全家敬上真朝昏香火極殷勤今生受者前生積此世修完來世因

贈李先生

絕欲忘情心自剗蓬萊咫尺是前途勸君好把一來守悟徹元初一也無

贈劉伯達二首

心之所化性難量達者須知了大常若是渾身全放下浩然神氣滿穹蒼

一篇拙語寄彭城百計無如守淨清興卽肆吟青嶂裏倦時高臥白雲京

贈楊去華

十年塵世訪眞賢惟遇弘農一老仙兩手頓開名利鎖一身沾得水雲天

贈魯彥通二首

俯視靈鷲戲黑波我來欲釣出迷河奈他不肯吞香餌回首空歸赴大羅

名韁擺脫出塵才閒把絲綸上釣臺拋餌夜闌魚不食相邀風月洞中來

道藏輯要

西雲集

奕

歸集七  
1161

贈蘇先生

區區南北走紅塵笑殺長安路上人把似種冤靈府內爭如吟笑樂天真

與杜秀才二首

虛心照破人間事實腹包含造化方應物眼前清淨界自然肘後有靈章

天地中間任意遊逍遙落魄度春秋雖然未得長生趣境滅心忘死不憂

寄王鷓舉

太原苗裔志精專方寸無塵性命全廣度愚迷離世網驂隨同